

摘藻堂四庫全書薈要

經部

欽定四庫全書薈要

經部

周禮注疏卷十六

七

詳校官原任侍講臣王蔭緒



欽定四庫全書薈要卷一千八百六十九

經部

周禮注疏卷十六

漢鄭氏注 唐陸德明音義 賈公彥疏

旅師掌聚野之勑粟屋粟間粟注野謂遠郊之外也勑

粟民相助作一井之中所出九夫之稅粟也屋粟民有

田不耕所罰三夫之稅粟間粟間民無職事者所出一

夫之征粟音義

間音閑  
注同

疏

釋曰此旅師歛六遂之稅六遂在野故云掌聚野之勑粟

之等注釋曰云野謂遠郊之外也者案鄉大夫野自六尺彼野謂城外此野據遠郊之外六遂之中也云勑粟

民相助作一井之中所出九夫之稅粟也者六鄉六遂與公邑三處皆為溝洫灋三等采地乃為井田今此六遂之中鄭云一井之中出九夫之稅粟以為井田與例違者但鄉遂之中雖為溝洫灋及其出稅亦為井田稅之是以小司徒職云考夫屋注云夫三為屋屋三為井出地貢者三三相任是出地稅亦取井有九夫三三相保而稅之故以井言之云屋粟民有田不耕所罰三夫之稅粟間粟間民無職事者所出一夫之征粟者此竝載師職文但彼云出夫家之征彼注云夫稅者百畝之稅家稅者出土徒車輦此經云粟無取於家征之義故言略也

而用之以質劑致民平頒其興積施其惠散其利而均其政令注而讀為若聲之誤也若用之謂恤民之難隄委積於野如遺人於鄉里也以質劑致民案入稅

者名會而貸之興積所興之積謂三者之粟也平頒之  
不得偏頗有多少縣官徵聚物曰興今云軍興是也是  
粟縣師徵之旅師斂之而用之以調衣食曰惠以作事

業曰利均其政令者皆以國服為之息音義

而用而音若出注積

子賜反

疏

釋曰若用謂用三者之粟也注釋曰鄭必讀而為若者所聚之粟民有難阮乃用之無則

貯待凶年則若為不定之辭其而字無義例故鄭轉為若也云若用之謂恤民之難阮者案遺人云鄉里之委積以恤民之難阮此六遂即鄉里也故鄭云委積於野如遺人之於鄉里也云以質劑致民案入稅者名會而貸之者所聚之粟遇有凶年賑恤所輸入之人欲與之粟還案入稅者之人名會計多少以貸之簿書若市券

有長短故云質劑也云縣官徵聚物曰興云今云軍興是也者  
縣師徵之故云縣官徵聚物曰興云今云軍興是也者  
鄭舉漢灋況之興皆是積聚之義也云是粟縣師徵之  
者案上縣師職云歲時徵野之賦貢故知也云旅師斂  
之者即上文聚三等粟是也云而用之則若用之是也  
云以賙衣食曰惠知者以衣食先當時用不生其利故  
云惠所為事業後即有利故云利此對文惠利兩有故  
為此釋若通而言之惠利為一故論語孔子云因民所  
利而利之不亦惠而不費是惠利通也云均其政令者  
皆以國服為之息者亦如泉府凡民之貸者以國服為  
之息鄭彼注云以其於國服事之稅而出息也於國事  
受園廬之田而貸萬泉者則募出息五百若然近郊之  
田貸萬泉募出息一千已外遠郊  
甸稍縣都皆依國服出息可知

凡用粟春頒而秋斂

之注困時施之饒時收之疏

釋曰上經所云是貸而生利此經所云是直給不生

利也官得舊易新民得濟其困乏官民俱益之也

凡新亡之治皆聽之使無征

役以地之嫩惡為之等注新亡新徙來者也治謂有所

求乞也使無征役復之也王制曰自諸侯來徙於家期不

從政以地美惡為之等七人以上授以上地六口授以

中地五口以下授以下地與舊民同旅師掌斂地稅而

又施惠散利是以屬用新民焉音義

治直吏反注同復音福期音基上時

掌疏

注釋曰云新亡新徙來者也者即上徙於他者是反也云治謂有所求乞也者此無正文鄭以意解之

以其無征役可治又新來未有業次故知治是求乞也引王制自諸侯來徙於家期不從政者彼仍有自家徙於

諸侯三月不從政不引之者略引之以證有復除之法云以地美惡為之等七人以上授之以上地已下者此皆據小司徒職文此三等據中地而言故注云有夫有婦乃成家自二人以至十人為九等七六五者為其中但彼六鄉上地無萊此據六遂上地有萊五十畝已外中地下地外內同皆三百畝耳

稍人掌令丘乘之政令注丘乘四丘為甸甸讀與維禹

甸之之甸同其訓曰乘由是改云是掌令都鄙脩治井

邑丘甸縣都之溝涂云丘甸者舉中言之溝涂之人名

井別邑異則民之家數存焉音義

丘乘繩證反注丘乘曰乘丘甸井為甸甸

讀禹甸之

疏

釋曰云掌令丘乘之政令者四井為邑四邑為丘四丘為甸甸出長轂一乘故云丘



乘不言令井邑者舉中而言也言令者謂三等采地之中為溝涂之灋耳注釋曰丘乘四丘為甸據小司徒而言之也云甸讀與維禹敝之之敝同音案毛詩云維禹甸之不為敝者鄭先通韓詩此據韓詩而言敝敝是軍陳故訓為乘言由是改云者由甸出車一乘可以為軍故改云乘不為甸也云是掌令都鄙脩治井邑丘甸縣都之溝涂云丘甸者舉中言之者此據小司徒職云四井為邑四邑為丘四丘為甸四甸為縣四縣為都而言也知直令為溝涂者以下文云若有會同則以縣師之灋作其同徒彼是令軍灋明此惟令治溝涂而已云溝涂之人各井別邑異則民之家數存焉者謂甸方八里其中六十四井使出田稅外加一里三十六井使治溝洫不出稅云民之家數存者假令上地一井地有九夫中央一夫助入公傍八夫各治一夫以自入則一井地有九夫家則有八四井為邑三十二家據一成而言則三十六井使治溝涂各有人名故云溝涂之人各井別

邑異民之家數存  
在於一成之中矣

若有會同師田行役之事則以縣師

之灋作其同徒輦輦帥而以至治其政令以聽於司馬

注有軍旅會同田役之戒縣師受灋於司馬邦國都鄙

稍甸郊里唯司馬所調以其灋作其衆庶及馬牛車輦

會其車人之卒伍使皆備旗鼓兵器以帥而至是以書

令之耳其所調若在家邑小都大都則稍人用縣師所

受司馬之灋作之帥之以致於司馬也同徒司馬所調

之同凡用役者不必一時皆徧以人數調之使勞逸遞

馬音義

音遍遞徒禮反又音弟本又作適音釋

疏

釋曰

云若者此等或有或無故云若為不定之辭也云會同者謂時見曰會殷見曰同云師田者謂出師征伐及田獵云行役者謂巡守及興役云則以縣師之灋作其同徒者稍人屬縣師縣師屬大司馬大司馬得王進止縣師即受灋於司馬縣師既得灋稍人又受灋於縣師故云以縣師之灋作其同徒也既作同徒乃致於大司馬故云以聽於司馬也注釋曰有軍旅會同田役之戒縣師受灋於司馬邦國都鄙稍甸郊里唯司馬所調者縣師注云郊里郊所居也謂六鄉之民布在國中外交至遠郊故有居在郊者也云以其灋作其衆庶及馬牛車輦會其車人之卒伍使皆備旗鼓兵器以帥而至者竝縣師職文其間云縣師及邦國都鄙稍甸郊里唯司馬所調以其灋竝鄭所加加之者欲見縣師受灋於司馬稍人又受灋於縣師之意也云是以書令之耳者此鄭君

之言是以此稍人書而令作其同徒之事云其所調若在家邑小都大都則稍人用縣師所受司馬之灋作之帥之以致於司馬也者此鄭取縣師之文合於此經欲見此稍人受灋於縣師即縣師所受司馬之灋云同徒司馬所調之同者此即縣師受灋於司馬者也云凡用役者不必一時已下此釋同徒為同其勞逸遞等也

大喪帥蜃車與其役以至掌其政令以聽於司徒注蜃

車及役遂人共之稍人者野監是以帥而致之既夕禮

曰既正柩賓出遂匠納車於階間則天子以至於士柩

路皆從遂來疏

釋曰此經釋天子之喪將葬使稍人帥蜃車及役人使至之事云以聽於司徒

者以其司徒地官卿掌徒庶之政令故稍人帥衆以聽於司徒也注釋曰鄭知蜃車及役遂人共之者案遂人

職云大喪帥六遂之役而致之又云及葬帥而屬六綽又遂師職亦共丘籠及蜃車之役故知遂人共之也云稍人者野監是以帥而致之者此欲釋得在稍人之意以其監三等采地是野監故得并監六遂蜃車之事也云天子以至于士柩路皆從遂來者此經上舉天子既夕下舉士則其中有諸侯卿大夫之喪蜃車柩路皆從遂人而

來可知

委人掌斂野之賦斂薪芻凡疏材木材凡畜聚之物注野謂遠郊以外也所斂野之賦謂野之園圃山澤之賦也凡疏材草木有實者也凡畜聚之物瓜瓠葵芋禦冬之具也野之農賦旅師斂之工商嬪婦遂師以入王府

其牧則遂師又以共野牲音義

斂力豔反畜勅六反疏注

曰委人所斂皆據六遂以外至王畿故鄭云野謂遠郊以外總言之也云所斂野之賦謂野之園圃山澤之賦也者此則九職所出貢貢賦通言之九職之中有園圃毓草木又有虞衡作山澤之材故以園圃山澤言之也云凡疏材草木有實者也者疏是草之實材是木之實故鄭并言之九職中有臣妾聚斂疏材鄭彼注云疏材百草根實不以木解材文略也彼臣妾聚斂雖無貢灋要知此疏材亦是草木有根實者鄭不言根亦略言之也云凡畜聚之物瓜瓠葵芋禦冬之具也者七月詩有八月斷壺壺瓠也有甘可食者信南山詩疆場有瓜士喪禮又有葵菹芋故知畜聚物中有瓜瓠葵芋之等但以士喪禮籩豆羞之葵菹芋為長菹不得為芋子其南方有芋子堪食與士喪禮芋別也云野之農賦旅師斂之者即上旅師所云聚野之勑粟之等是也云工商

嬪婦遂師以入王府者案遂師云入野職野賦于王府雖不言工商嬪婦但遂師既入野之賦貢明嬪婦工商之賦也知者以其王府掌玩好之物其工商嬪婦所作堪為玩好故入王府者工商嬪婦也云其牧則遂師又以共野牲者上遂師云凡國祭祀共其野牲是知九職之中數牧養鳥獸者遂師共之也

以稍聚待

賓客以旬聚待羈旅注聚凡畜聚之物也故書羈作奇

杜子春云當為羈音義

聚俗裕反下文同

疏

釋曰委人掌斂野賦故以三百里稍

地之聚二百里甸之聚以待羈旅過客之等注釋曰鄭知聚是凡畜聚者見上文凡畜聚之物故知此聚亦是

畜聚之物凡其余聚以待頒賜注余當為餘聲之誤也餘謂

縣都畜聚之物疏

注釋曰知餘聚是縣都者以其委人掌斂野物從三百里至王畿上已云

甸稍明此言餘聚是縣四百里都五百里中畜聚之物如上稍甸畜聚之物也

以式灋共祭祀

之薪蒸木材賓客共其芻薪喪紀共其薪蒸木材軍旅

共其委積薪芻凡疏材共野委兵器與其野圉財用注

式灋故事之多少也薪蒸給炊及燎麤者曰薪細者曰

蒸木材給張事委積薪芻者委積之薪芻也軍旅又有

疏材以助禾粟野委謂廬宿止之薪芻也其兵器謂守

衛陳兵之器也野圉之財用者苑囿藩籬之材音義

籬音

羅本亦作羅疏

釋曰此一經以委人掌斂野賦故所有委積皆供之注釋曰云式灋故事之多少也者總



此一經皆當依舊灋式用之故以灋式目之也云薪蒸  
給炊及燎者以其祭祀所用薪蒸無過炊米與燔燎也  
知麤者曰薪細者曰蒸者左氏傳云其父析薪薪既云  
析明其大者曰薪其蒸不言析明其細也云木材給張  
事者以其祭祀而云木材等更無用木材之處案掌次  
云張大次小次及幕竝湏木材明據此所用故云給張  
事云委積薪芻者委積之薪芻也者案大行人掌客皆  
有委積委積之中有牲牢米禾薪芻之等委人所供唯  
供薪芻鄭恐委積之中有米牲牢亦供之故云委積薪  
芻是委積之中供薪芻以別之也云軍旅又有疏材以  
助禾粟者以其疏材是百草根實可得助禾粟以供馬  
牛故云助禾粟也云野委謂廬宿止之薪芻也者案遺  
人云十里有廬廬有飲食三十里有宿宿有委五十里  
有市市有積委積之中有薪芻在野外故云野委也其  
六鄉之廬宿委積薪芻自六鄉供之云其兵器謂守衛  
陳兵之器也者兵文承野委之下明與野委同為賓客

所用故知是守衛賓客陳兵之器也云野園之財用者  
苑園藩籬之材者委人所為皆據二百里上經稍聚待  
賓客據三百里故知此園在野故鄭以苑園言之古者  
田獵皆在園故書傳云嚮之取於園是勇力取今之取  
於澤是揖讓取若然田在澤澤中有園田在山山  
中有苑其苑園藩籬以遮禽獸故云野園財用也

旅之賓客館焉注館舍也必舍此者就牛馬之用

疏釋

言軍旅賓客者謂諸侯以軍旅助  
王征討者故謂之軍旅之賓客也

土均掌平土地之政以均地守以均地事以均地貢注

政讀為征所平之稅邦國都鄙也地守虞衡之屬地事

農圃之職地貢諸侯之九貢音義

政音征  
出注

疏

注釋曰鄭  
破政為征

者不取於政教之政故破從征稅之征也云所平之稅  
邦國都鄙也者案下文云以和邦國都鄙者故知此平  
者亦據邦國都鄙若六鄉六遂及公邑征稅自均人平  
之云地守虞衡之屬者按下文山虞澤虞川衡林衡之  
屬皆云守故知地守是虞衡之屬也云地事農圃之職  
者九職任萬民使民事之故知地事是九職三農園圃  
之職也云地貢諸侯之九貢者此主均邦國都鄙而云  
均地貢明據大宰九貢而言但諸侯九貢是歲之常貢  
則小行人春令八貢者是也其諸侯九貢皆民之  
地稅市取美物貢王若禹貢厥篚厥貢之類是也

以和

邦國都鄙之政令刑禁與其施舍禮俗喪紀祭祀皆以  
地媾惡為輕重之灋而行之掌其禁令注施讀亦為弛  
也禮俗邦國都鄙民之所行先王舊禮也君子行禮不

求變俗隨其土地厚薄為之制豐省之節耳禮器曰禮也者合於天時設於地財順於鬼神合於人心理於萬

物音義

為于偽反疏釋曰土均主調即是和義故以和

刑五禁與其施舍不役之等并湏調和之使之得所也  
云禮俗喪紀祭祀皆以地媿惡為輕重之灋而行之者  
自禮俗喪紀祭祀三事皆以地之媿惡為輕重地媿則  
重行之地惡則輕行之以其禮許儉不許無故也云掌  
其禁令者恐有僭踰與下逼故有禁令也注釋曰云施  
讀亦為弛也者上遂人注已云施讀為弛故此云亦云  
禮俗邦國都鄙民之所行先王舊禮也者俗者績也績  
代不易此土均和邦國都鄙是知先王舊禮故引曲禮  
君子行禮不求變俗以證之謂若周公封康叔於殷墟  
其民還行殷之禮俗者也云隨其土地厚薄為之制豐

省之節耳者以厚薄解經媿惡豐省解經為輕重之灋也云禮器曰禮也者合於天時者天有四時四時生者則將為禮是合於天時也云設於地財者土地有財則用為禮是所設依於地之財也云順於鬼神者鬼神享德不享味若不合天時不設地財而為禮則鬼神不享若能合天時設地財則鬼神享之是順於鬼神也云合於人心者若不合天時不設地財則不合人心若合天時設地財則合人心也云理萬物者若順鬼神合人心則萬物得其道理故可以理萬物也引之證行禮依地媿惡之義

草人掌土化之灋以物地相其宜而為之種注土化之

灋化之使美若汜勝之術也以物地占其形色為之種

黃白宜以種禾之屬音義相息亮反種章勇反注除種禾以外竝同汜芳劒反李又

音疏

釋曰掌土化之灋者即下經所云墾種是化土使

凡疏和美注釋曰云化之使美者謂若駢剛用牛墾種

化駢剛之地使美也云若汜勝之術也者漢時農書有

數家汜勝為上故月令注亦引汜勝故云汜勝之術也

云黃白宜以種禾之屬者鄭

凡墾種駢剛用牛赤緹用

依孝經緯援神契而言也

羊墳壤用麋渴澤用鹿鹹瀉用貍勃壤用狐埴廬用豕

疆藥用蕒輕燠用犬注凡所以墾種者皆謂煮取汁也

赤緹鰕色也渴澤故水處也瀉鹵也貍貍也勃壤粉解

者埴廬黏疏者疆藥疆堅者輕燠輕脆者故書駢為挈

墳作蚩杜子春挈讀為駢謂地色赤而土剛強也鄭司

農云用牛以牛骨汁漬其種也謂之𦵏種墳壤多蚩鼠

也壤白色黃麻也玄謂墳壤潤解音義

𦵏粉運反本亦作糞緹音抵李

宅奚反聶吐弟反墳符粉反廩音眉渴其列反渴音昔

一音鵲貍呼九反又音九李一音喜元反墳時力反一

音職墟音盧李一音閭疆其兩反注同𦵏本又作𦵏呼

覽反劉音檻黃扶云反一音蒲閭反𦵏乎照反李音婦

堯反繆七絹反鹵音魯貍宅官

疏

釋曰案禹貢冀州云白壤青州云白墳充

反解胡買反下同蚩符粉反

州云黑墳徐州云赤墳墳揚州荊州云塗泥豫州云墳

墟梁州云青黎雍州云黃壤九等與此駢剛之屬為九

等不同者以禹貢自是九州大判各為一等此九等者

無妨一州即有此九等之類故不同也注釋曰云凡所

以𦵏種者皆謂煮取汁也者雖無正文以意量之用牛

羊之類不可以骨肉明煮取汁和種也云赤緹繆色也

者爾雅云一染謂之鰕故以鰕赤當之也云渴澤故水處也者以水鍾曰澤今澤云渴明是故時停水今乃渴故云故水處也云渴鹵也者近水之處水已寫去其地為鹹鹵故云渴鹵也云鰕鰕也者案爾雅云鰕子鰕或曰鰕故以鰕鰕為一也云勃壤粉解者壤是和緩故為粉解也云埴埴黏疏者以埴為黏以埴為疏故云黏疏也云疆塹疆堅者以塹為堅故為疆堅云輕輿輕脆者輿脆聲相近故知輿即脆也先鄭云用牛以牛骨汁漬其種也者此與後鄭義合也云埴壤多蚩鼠也壤白色後鄭皆不從者餘八等之地皆據地之形色唯此埴壤以蚩鼠外物為名於義不可故還從埴為正謂潤解也又禹貢有黃壤則此壤不得專據白色解之故不從壤白色也

稻人掌稼下地注以水澤之地種穀也謂之稼者有似



嫁女相生疏

釋曰以下田種稻麥故云稼下地

以陂畜水以防止水以

溝蕩水以遂均水以列舍水以澮寫水以涉揚其芟作

田注鄭司農說陂防以春秋傳曰町原防規陂陂以列

舍水列者非一道以去水也以涉揚其芟以其水寫故

得行其田中舉其芟鉤也杜子春讀蕩為和蕩謂以溝

行水也玄謂陂陂者畜流水之陂也防陂旁隄也遂田

首受水小溝也列田之畦畔也澮田尾去水大溝作猶

治也開遂舍水於列中因涉之揚去前年所芟之草而

治田種稻音義

畜勅六反注同蕩如字李吐黨反列祿計反注同澮古外反寫戚如字劉陽故

反芟所銜反町徒頂反去起呂反下同畦劉音圭又下圭反哿音劣疏釋曰所為防澮之

曰春秋傳者事在襄二十五年楚為掩書土田澮以授子木之事彼云町原防規偃澮是楚之惡地有防偃之澮與此防澮同故引為證也先鄭云以列舍水列者非一道去水也者以舍為舍去之舍後鄭以為止舍之舍以澮是寫去水以舍為止凡稼澤夏以水殄草而芟蕘

水於其中故不從先鄭也

之注殄病也絕也鄭司農說芟夷以春秋傳曰芟夷蕘

崇之今時謂禾下麥為蕘下麥言芟刈其禾於下種麥也玄謂將以澤地為稼者必於夏六月之時大雨時行

以水病絕草之後生者至秋水涸芟之明年乃稼音義

莧音夷蘊紆粉反或

疏注釋曰春秋傳者隱六年五月鄭伯侵陳大獲往歲鄭伯請成

憂羣反涸胡洛反

於陳陳侯不許五父諫云周任有言曰為國家者見惡

如農夫之務去草焉芟夷蘊崇之絕其本根勿使能殖

注云芟刈蘊積崇聚也引之者證芟莧為刈殺之義也

玄謂必於夏六月之時大雨時行者此月令文引之證

經夏以水殄草之義也云至秋

澤草所生種之芒種注

水涸芟之者解經芟莧之義也

鄭司農云澤草之所生其地可種芒種芒種稻麥也音

義

芒種章勇反注芒種同

疏

釋曰澤草所生種之芒種者但水鍾曰澤有水及鹹鹵皆不生草即不得

芒種故云

早曠共其雩斂注稻人共雩斂稻急水者也

鄭司農云雩事所發斂音義

力曠呼旦反斂成驗反注同

疏

釋曰此早雩據

夏五月已後脩雩者曠者旱之熱氣若四月龍見而雩未必旱曠也然二種雩皆供雩斂也注釋曰鄭意餘官不言共雩斂於此官特言共者以稻是水喪紀共其葦穀急須水故旱時特使共雩之發斂也

事注葦以闔墻禦濕之物音義

闔音因

疏

注釋曰春秋左氏有井闔闔塞

也鄭知葦以塞墻所以約之為闔墻言禦水之物則在棺下用之或以為抗席即是禦土與禦水義乖恐非也

土訓掌道地圖以詔地事注道說也說地圖九州形勢

山川所宜告王以施其事也若云荆揚地宜稻幽并地

宜麻音義

麻如字一本作麋李及聶氏亡皮反劉沈皆作麋音紀倫反案注辨土所宜荆揚皆言穀

幽并不應論獸紀倫之音恐非

**疏**

注釋曰其九州地圖乃是諸國所獻以入職方今土訓乃於職方取九州

地圖依而說向王使依而責其貢獻之物云若云荆揚地宜稻幽并地宜麻者案職方荆揚之州實宜稻幽并之州竝不言宜麻者鄭以目驗見宜麻職方不言麻乃非民所要用故也

**道地慝以辨地物**

**而原其生以詔地求注地慝若瘴蠱然也辨其物者別**

**其所有所無原其生生有時也以此二者告王之求也**

**地所無及物未生則不求也鄭司農云地慝地所生惡**

**物害人者若虺蝮之屬音義**

慝他得反別彼列反虺虛鬼反蝮乎目反

**疏**

注釋

曰云若瘴蠱然也者謂土地所生惡物瘴即瘴氣出於地也蠱即蠱毒人所為也云別其所有所無者若職方

九州所有所無也云原其生有時也者雖是當州所  
有而生有時也云以此二者告王之求也者謂辨地物  
原其生者告王求地所有也地所無及物未生則不求  
也先鄭云地慝所生惡物害人者若虺蜮之屬者此與  
後鄭瘴蠱義不同引之  
在下亦得為一義也  
王巡守則夾王車注巡守行視

所守也天子以四海為守音義

行下孟反

疏

釋曰夾王車者亦在國掌道地

圖已下之事注釋曰云行視所守也者此解諸侯為天子守土云天子以四海為守者此解天子自守天下之義蓋巡狩之中舍此二義

誦訓掌道方志以詔觀事注說四方所識久遠之事以

告王觀博古所識若魯有大庭氏之庫穀之二陵疏

釋曰

云掌道方志者志即今之識也謂道四方所記識久遠之事以告王也云以詔觀事者謂告王觀博古之事也注釋曰左氏傳昭十八年宋衛陳鄭皆火梓慎登大庭氏之庫以望之注云大庭氏古亡國之君在黃帝前其處高顯穀之二陵僖三十一年秦蹇叔見師襲鄭哭而送之曰晉人禦師必於穀穀有二陵焉其南陵夏后皋之墓也其北陵文王之所避風雨也竝所識久遠之事故引之以證方志之義

### 掌道方慝以詔

辟忌以知地俗注方慝四方言語所惡也不辟其忌則其方以為苟於言語也知地俗博事也鄭司農云以詔

辟忌不違其俗也曲禮曰君子行禮不求變俗音義

辟音

避注同惡疏釋曰誦訓又掌說四方言語所惡之事以烏路反詔告令王避其忌惡所以然者使王博知

地俗言語之事故鄭云博事也注釋曰引曲禮君子行禮不求變俗者上土均云禮俗注亦引此文彼謂先王舊俗是禮事不變之此引不求變俗謂不變其鄉俗所嫌惡皆是不求變俗各證一邊之義故不同也王

巡守則夾王車疏

釋曰此亦與土訓同各以所掌以告王也

山虞掌山林之政令物為之厲而為之守禁注物為之

厲每物有蕃界也為之守禁為守者設禁令也守者謂

其地之民占伐林木者也鄭司農云厲遮列守之音義

為守者于偽

疏

釋曰案下文林自有衡官掌之今山虞

反下為久同

疏

兼云林者彼林是竹木生平地者林衡

掌之此山林并云者自是山內之林即山虞兼掌之注

釋曰但山內林木金玉錫石禽獸所有不同每物各有



藩界設禁亦不同云守者謂其地之民占伐林木者也  
者案下澤虞職云使其地之人守其財物以時入之于  
玉府頒其餘於萬民彼是其地之民占取澤物者守之  
明此山虞所守亦然是以此文亦令萬民時斬材有  
期日明是守

山林之人也

仲冬斬陽木仲夏斬陰木注鄭司農云陽

木春夏生者陰木秋冬生者若松栢之屬玄謂陽木生

山南者陰木生山北者冬斬陽夏斬陰堅濡調音義

濡威

如兗反

疏

注釋曰先鄭云陽木春夏生者陰木秋冬生

又音柔

者若松栢之屬後鄭不從以為山南為陽木

北為陰木者案月令十一月日短至伐木取竹箭

竹箭秋冬生不用仲夏斬之故知先鄭之義非也凡服

耜斬季材以時入之注季猶穉也服與耜宜用穉材尚

柔忍也服牝服車之材音義

忍音刃

疏

釋曰服謂牝服即車平較皆有鑿孔

以軫子貫之故謂之牝服也。郭謂未郭隨曲長六尺六寸。車人所造者二木皆須堅刃。故斬季材少木為之云。時入者以其須堅故須依上文仲冬仲夏之時也。

令萬民時斬材有期日注時

斬材斬材之時也有期日入出有日數為久盡物疏

釋曰

案禮記王制云草木零落然後入山林。彼據萬民伐木之時謂十月之中。此云萬民時斬材亦謂十月時。注釋曰鄭云時斬材斬材之時也者正在十月也。云有期日入出有日數為久盡物者經直云有期日鄭云有日數蓋當有日數多少但無文不知幾日為限也。

凡邦工入山林而掄材不禁注

掄猶擇也不禁者山林國之有不拘日也音義

掄魯門反又音

倫拘音俱本

**疏**

釋曰上文云仲冬斬陽木仲夏斬陰木

亦作佻音同

**疏**

彼據堅及之極時但國家須材不定在

仲冬仲夏故此邦工入山林不禁又不言時節須即取之故也注釋曰此對萬民不得非時入入又有日數

**春秋之斬木不入禁注非冬夏之時不得入所禁之中**

**斬木也斬四野之木可疏**

注釋曰上經云邦工入山林不禁此又云春秋之斬木不

入禁與上違者上文據國家使工取擇木故非冬夏亦

得入山林此據萬民取木故十月入山春秋之斬木不

入禁故鄭云斬四野之木可雖斬四野未至於三月不

得伐桑柘故月令季春云無伐桑柘彼注愛蠶食也

**凡竊木者有刑罰注竊盜也疏**

釋曰此謂非萬民入山之時而民盜山林之木

與之以

刑罰

**若祭山林則為主而脩除且蹕注為主主辨護**

之也脩除治道路場壇音義

壇徒丹反或音禪

疏

釋曰此山林在畿內王國

四方各依四時而祭云則為主者謂主當祭事者也而脩除者謂掃除糞灑云且蹕者且復蹕止行人也注釋曰云為主主辨護之也者案中候握河紀堯受河圖云帝立壇磬折西向禹進迎舜契陪位稷辨護注云辨護者供時用相禮儀則此云辨護者亦謂共時用相禮儀者也云脩除治道路場壇者案守祧職云其廟則有司脩除之鄭云有司恒主脩除謂掃除糞灑場謂禪即除地之處壇神位之所也

若大田獵則萊

山田之野及弊田植虞旗于中致禽而珥焉注萊除其

草萊也弊田田者止也植猶樹也田止樹旗令獲者皆

致其禽而校其耳以知獲數也山虞有旗以其主山得

畫熊虎其仞數則短也鄭司農云珥者取禽左耳以効

功也大司馬職曰獲者取左耳音義

植時力反又音值珥如志反又音耳

疏

釋曰言大田獵者謂王親行若田在山則山虞芟萊草木於可陳之處故云萊山田之野又及弊田植虞

旗于中使民得禽牲者望見之致禽於其所而珥焉珥當為岬謂輸禽者割取左耳以効功也注釋曰云萊除其草萊也者謂於防南擬教戰之處芟去草萊南北三百五十步東西步數雖未聞廣狹可容六軍三三而居一偏耳云山虞有旗以其主山得畫熊虎其仞數則短也者案司常云師都建旗大夫士建物此山虞是士不建物而建旗者以其主山山多熊虎故得有旗禮緯旌旗之杠天子九仞諸侯七仞大夫五仞士三仞若軍吏是卿大夫則杠長五仞今山虞是士雖有熊虎為旗仞數則短宜三仞必取左耳者以其聽鄉任左故皆取左

也耳

林衡掌巡林禁之禁令而平其守注平其守者平其地

之民守林禁之部分音義

葉音鹿分扶問反下同

疏

釋曰此林衡兼麓者以爾

雅山足曰麓雖連於山山虞不掌以麓上有林故屬林衡也注釋曰經直言平其守明不平其稅但平均其守而已故云平其地之民守林麓之部分謂部伍有多少遠近之分也以時計林禁而賞罰

之注計林禁者計其守之功也林禁蕃茂民不竊盜則

有賞不則罰之音義

蕃扶袁反

疏

釋曰此時考校而計林麓以行賞罰者林衡之官既

平民之守護林麓而會計民有功者賞之損林麓之財者罰之故注云不則罰之也

若斬木材則

受灋于山虞而掌其政令注灋萬民入出時日之期疏

釋曰上山虞官尊故設法是以此林衡若斬木材則於虞邊受焉注釋曰案山虞云仲冬仲夏及春秋是時之期令萬民斬材有期日是日之期也

川衡掌巡川澤之禁令而平其守以時舍其守犯禁者執而誅罰之注舍其守者時案視守者於其舍申戒之

疏

釋曰川注瀆者皆是也水鍾曰澤澤與川不同官今川衡兼云澤者澤與川連者則川衡兼掌之謂若濟

水溢為滎澤滎澤則與濟連則管濟川者兼滎澤掌之如此之類皆是注釋曰此舍其守謂川衡之官時復巡行所守之民當案視其所守守人當於其舍申重戒飭之也

祭祀賓客共川奠注川

奠籩豆之實魚鱸蜃蛤之屬音義

奠音電下同鱸所留反蜃上忍反蛤古答

反疏

注釋曰鄭此注皆據醢人及籩人而言案籩人職云朝事之籩有麴糴黃白黑形鹽臠鮑魚鱸醢人云

饋食之豆有蜃醢麴醢蜃麴是蛤則魚鱸及蜃皆川中所生之物故引為證川奠也言之屬者具有羸醢亦是

川奠故

云之屬

澤虞掌國澤之政令為之厲禁使其地之人守其財物以時入之于玉府頒其餘于萬民注其地之人占取澤物者因以部分使守之以時入之于玉府謂皮角珠貝也入之以當邦賦然後得取其餘以自為也入出亦有



時日之期音義

當丁浪反後文皆同  
為于偽反下注同

疏

釋曰案上山虞  
林衡川衡皆不

言國獨澤虞云國澤者周公設經二虞二衡文有不同  
皆是互見為義故也此澤虞云以時入之于玉府頌其  
餘于萬民亦據中所出入玉府者多故特言之無妨山  
虞川衡之等亦入玉府亦是互見其義也注釋曰以時  
入之于玉府者但萬民入澤雖無正文案王制獮祭魚  
然後虞人入澤梁草木零落然後入山林則萬民入澤  
可同時云謂皮角珠貝也者澤中所出無過此四物皮  
謂犀皮角麋角犀角珠出於蟾蛤蟾蛤在澤其貝亦出  
澤水故知之也云入出亦有時  
日之期者亦如山虞職所云也

凡祭祀賓客共澤物之

奠注澤物之奠亦籩豆之實芹茆菱芡之屬音義

芹音  
勤茆

音卯菱音

疏

注釋曰案籩人職加籩之實有菱芡朝事  
之豆有茆菹加豆之實有芹菹是皆澤中

陵芡音儉

所出故引證澤物之奠也言之屬者兼有深蒲昌本之等故云之屬

喪紀共其葦蒲之事

注葦以闔墻蒲以為席疏

注釋曰蒲以為席者謂抗席及禮記云虞卒哭芻剪不納

者是也

若大田獵則萊澤野及弊田植虞旌以屬禽注屬

禽猶致禽而珥焉澤虞有旌以其主澤澤鳥所集故得

注析羽疏

釋曰萊所田之野一如山虞之職也注釋曰云屬禽猶致禽者案山虞致禽之義謂輸之

於公當致之於虞旗之中而珥焉以効功此云屬禽者謂百姓致禽訖虞人屬聚之別其等類每禽取三十焉若然則致禽與屬不同而鄭云屬禽猶致禽者鄭欲明山虞澤虞文皆不足故互見為義彼此有其事故云屬禽猶致禽而珥焉云澤虞有旌以其主澤澤鳥所集故得注析羽者以澤是鳥之所集故得建析羽之旌

迹人掌邦田之地政為之厲禁而守之注田之地若今

苑也疏

釋曰迹人主迹知禽獸之處故掌邦田之地政云為之厲禁而守之者有禽獸之處則為苑圃

以林木為藩羅使其地之民遮厲守之故鄭云田之地若今苑也

凡田獵者受令焉注

令謂時與處也疏

注釋曰云時與處者謂若仲春仲夏仲秋仲冬是其時云處者謂山澤也

其受令者謂夏官主田獵者

禁麇卵者與其毒矢射者注為其天物

且害心多也麇麋鹿子音義

麇音迷卵力管反

疏

注釋曰此謂四時常禁案

月令孟春云毋麇毋卵又曲禮云國君春田不圍澤大夫不掩羣士不取麇卵者彼以春時先乳特禁之其月令季春云饒獸之藥毋出九門者彼亦崇其春時彼鄭注云凡諸畧及毒藥禁其出九門明其常有時不得用

耳云為其天物釋經禁麋卵者且害心多釋毒矢射者也

卅人掌金玉錫石之地而為之厲禁以守之注錫釬也

音義

卅革猛反又號猛反劉侯猛反沈工疏釋曰此金

者皆在於山言地者即山也為之厲禁亦謂使其地之民遮護守之若以時取之則物其

地圖而授之注物地占其形色知鹹啖也授之教取者

之處音義

啖直覽反本亦作淡

疏

釋曰取此四者雖無四時之文當取之日應亦有時故云以時

取之注釋曰經云物故以占其形色言之云知鹹淡者鄭以當時有人採者嘗知鹹淡即知有金玉故以時事

言之巡其禁令注行其禁明其令也

角人掌以時徵齒角凡骨物於山澤之農以當邦賦之

政令注山澤出齒角骨物大者犀象其小者麋鹿疏

釋曰

角人止應徵角物兼言齒骨者以其齒骨並是角類以細小之事因類兼掌之云以當邦賦者言農則皆有夫田出貌今以此農近山澤山澤有此骨角及齒此三者國之所須故使以時入採而稅之以當地稅民益國之事者自此已上皆不言以當邦賦者皆文不具舉此一事餘可知並是省文之義也注釋曰鄭言山澤出齒角骨物者欲見不言川林直言山澤以其不出川林故特言山澤也云大者犀象其小者麋鹿者無正文鄭以意目驗而知之犀牛角有角而象有牙是其大者也月令十一月麋角解五月鹿角解是其小者也

以度量

受之以共財用注骨入漆浣者受之以量其餘以度度

所中音義

澆戶翫反度度上如字下待落反

羽人掌以時徵羽翮之政于山澤之農以當邦賦之政

令注翮羽本音義

翮戶翮反疏釋曰此羽人所徵羽者當入革反於鍾氏染以為后之車飾及

旌旗之屬也

凡受羽十羽為審百羽為搏十搏為縛注審搏

縛羽數束名也爾雅曰一羽謂之箴十羽謂之縛百羽

謂之緇其名音相近也一羽有名蓋失之矣音義

搏除轉反

注同劉徒端反縛劉古本反沈除轉反箴之林反緇古本反劉音渾一音戶本反李又基遠反近附近之近

疏

注釋曰鄭引爾雅說乃云名音相近也一羽有名蓋失之矣者規爾雅誤意所以爾雅一羽則有名者只

由一者十數之始十為百數之始是名相近既有十百故誤一羽遂有名也

掌葛掌以時徵絺綌之材于山農凡葛征徵草貢之材

于澤農以當邦賦之政令注草貢出澤蒔紵之屬可緝

績者音義

蒔苦迴反緝七入反

疏

釋曰所以徵絺綌於山農者以其葛出於山故也凡葛征者其

徵絺綌之材即葛是也又云凡葛征者總結之也云徵草貢之材于澤農者以蒔紵出於澤故也經直言草貢不言蒔紵者設文以互換為義故以其絺綌亦以葛草草貢亦是蒔紵者也

以權度受之注

以知輕重長短也故書受或為授杜子春云當為受疏

釋曰上角人齒骨與角不須稱直言度量此經葛草等不須量故以權度受之使知斤兩長短故也

掌染草掌以春秋斂染草之物注染草茅蒐橐蘆豕首

紫荊之屬音義

茅如字劉音妹蒐所留反茅蒐菑也橐音託又音妬荊音列劉閭計反或音例

疏

注釋曰案爾雅茹蘆茅蒐郭注云今之菑也可以染絳橐蘆者爾雅無文豕首者爾雅云荊藟豕首郭注

云本草曰珣蘆一名蟾蠼蘭今江東呼豨首可以煬蠶蛹郭氏雖有此注不言可染何色則此橐蘆豕首未審鄭之所據也紫荊者爾雅云藐藐草郭注云可以染紫一名茈蒺廣雅云即此紫荊也言之屬者更有藍皁象斗之等衆多故以之屬兼之也以權量受之以待時而頒之注權量以

知輕重多少時染夏之時音義

染夏如琰反

疏

注釋曰案天官染人云春

暴練夏纁玄秋染夏夏為五色至秋染五色故鄭云染夏之時時謂秋時也



掌炭掌灰物炭物之徵令以時入之注灰炭皆山澤之

農所出也灰給澣練炭之所共多疏

注釋曰灰炭既出山澤不云徵于山

澤之農者義可知經畧而不言也

以權量受之以共邦之用凡炭灰之

事

掌荼掌以時聚荼以共喪事注共喪事者以著物也既

夕禮曰茵著用荼疏

注釋曰云共喪事者以著物也者即引既夕禮茵著用荼是也案既

夕禮為茵之瀟用緇翦布謂淺黑色之布各一幅合縫著以荼柩未入壙之時先陳於棺下縮二於下橫三於

上乃下棺於茵上是也

徵野疏材之物以待邦事凡畜聚之物注

茶茅莠疏材之類也因使掌焉徵者徵於山澤入於委

人音義

畜勅六反莠音秀劉音酉

疏

注釋曰知掌茶所徵入委人者以其委人掌斂野之賦凡疏材

木材所斂者衆故知此掌茶所徵亦入委人也

掌蜃掌斂互物蜃物以共閭墻之蜃注互物蚌蛤之屬

閭猶塞也將井椀先塞下以蜃御濕也鄭司農說以春

秋傳曰始用蜃炭言僭天子也音義

互戶故反蚌蒲項反御魚呂反本亦

作疏

釋曰斂互物者以其互物是蜃之類故因類使兼掌之又云蜃物者共百事之蜃與下共閭墻之蜃

別注釋曰云互物蚌蛤之屬者案鼈人云掌取互物先鄭云互物謂有甲滿胡龜鼈之屬此後鄭互物為蚌蛤

者彼下文別有廬廬即蛤故從先鄭為龜鼈至此別為蚌蛤亦是有甲滿胡故也云將井椁先塞下以蜃禦濕也者案士喪禮筮宅還井椁於殯門之外注云既哭之則往施之竈中是未葬前井椁材乃往施之壙中則未施椁前已施蜃炭於椁下以擬禦濕也引春秋者是成公之時宋文公卒始厚葬用蜃炭雖二王之後不得純如天子亦用蜃故被譏

祭祀共蜃器之蜃注飾祭器之

屬也豈人職曰凡四方山川用蜃器春秋定十四年秋

天王使石尚來歸蜃蜃之器以蜃飾因名焉鄭司農云

蜃可以白器令色白音義

白器如字疏注釋曰經直云劉薄霸反蜃器之蜃鄭總

云祭器之屬不辨宗廟及社稷之器則宗廟社稷皆用蜃飾之知義然者案此注引左氏云石尚來歸蜃公羊

以為宜社之肉以蜃器而盛肉故名肉為蜃是祭社之器為蜃也大行人云歸蜃以交諸侯之福彼則宗廟社稷之器物謂之為蜃是其宗廟社稷之器皆蜃灰飾之事也

**共白盛之蜃**注盛猶成

也謂飾牆使白之蜃也今東萊用蛤謂之又灰云

疏注

曰言白盛謂飾牆使白之蜃也案爾雅云地謂之黝牆謂之堊黝黑也堊白也若然此經所云白盛主於宗廟堊牆也云今東萊用蛤謂之又灰云者蜃蛤在泥水之中東萊人又取以為灰故以蛤灰為又灰云也

**園人掌園游之獸禁**注園游園之離宮小苑觀處也養

獸以宴樂視之禁者其蕃衛也鄭司農云園游之獸游

**牧之獸音義**

觀古亂反樂音洛

**疏**

注釋曰鄭云園游園之離宮小苑觀處也者案孟子文王

之園七十里芻蕘者往焉天子之園百里竝是田獵之處又書傳云鄉之取於園是勇力取今之取於澤是揖讓取是為蒐狩之常處也今此云禁故知非大園是小苑觀處也云禁者其蕃衛也者非即守門者也其守門則墨者故閤人云王宮每門四人園游亦如之鄭云墨者使守門是也言離宮者謂於王宮之外於苑中離別為宮故名離宮於宮外為客館亦名離宮也先鄭云園游之獸游牧之獸者此與後鄭義異謂獸之游非人游觀引之在下亦得為一義故也

**牧百獸**注備養衆物也今掖庭有鳥獸

自熊虎孔雀至於狐狸鳧鶴備焉音義

鶴尸各反又作鸛古亂反

**疏**

釋曰此於小園中牧養百獸言百者舉成數而言雖以百獸為主其中亦有飛鳥故鄭注引漢之掖庭有鳥獸自熊虎孔雀至於狐狸鳧鶴備焉為證也

**祭祀喪紀賓客共其生獸死獸之**

物

場人掌國之場圃而樹之果蓏珍異之物以時斂而藏

之注果棗李之屬蓏瓜瓠之屬珍異蒲萄枇杷之屬音

義

枇蒲梨反或房疏釋曰場圃連言場圃同地耳春夏

迷反

杷白加反

為圃秋冬為場其場因圃而為之

故并言之也注釋曰張晏云有核曰果無核曰蓏臣瓚

以為在地曰蓏在樹曰果則不辨有核無核此鄭不指

定言不知義從何者案閭師云任圃以樹事貢草木此

場人又掌之者此據共祭祀賓客者場人徵斂藏之其

餘則閭師

凡祭祀賓客共其果蓏享亦如之注享納牲

徵斂之也

音義

享許丈反劉凡享皆音向後倣此

疏

注釋曰享納牲謂祭祀宗廟二灌後君迎牲納之於庭時

后夫人薦朝事之豆籩豆籩中有果蓏之物  
故云享亦如之若然上言祭祀餘祭祀也

廩人掌九穀之數以待國之匪頒賙賜稍食注匪讀為

分分頒謂委人之職諸委積也賙賜謂王所賜予給好

用之式也稍食祿廩音義匪頒上音分亦如字下音疏

釋曰廩人掌米倉人掌穀今廩人云九穀者以廩人雖

專主米亦兼主穀故以九穀言之也注釋曰破匪為分

者米穀非是匪所盛之物又以為廬宿市在道分頒義

合故不為匪也云分頒謂委人之職諸委積也者委人

委積之文具於彼云賙賜謂王所賜予給好用之式也

者此即九式之中九曰好用之式是也故彼注好用燕

好所賜予也云稍食祿廩者此即司士以功詔祿又王

制云下士視上農夫九人祿中士倍下士之類是也廩

澹有數名春秋桓十四年八月御廩災天子亦有御廩單云廩則平常藏米之廩此不言御廩則廩中可以兼之矣明堂位魯有米廩有虞氏之學以有虞氏尚孝合藏染盛之委故名學為米廩非廩稱也詩云亦有高廩又云萬億及秭注云廩所以藏染盛之穗以其萬億及秭數多非藏米之數故以藏穗言之與常廩御廩又異以歲之上下數邦用以知足否以詔穀用以治年之凶

豐注數猶計也音義

上下時掌反司稼職同數色主反注同

疏

釋曰上下即豐凶廩

人之官以歲之豐凶得稅物多少之帳計國之用以知足否若歲凶稅物少而用多則不足廩人既知多少足否乃詔告在上用穀之澹以治年之凶豐此則王制云制國用必於歲之杪者是也凡萬民之食

食者人四鬴上也人三鬴中也人二鬴下也注此皆謂



一月食米也六斗四升曰鬴疏

釋曰此謂給萬民糧食之濫故云凡萬民之食

食者謂民食國家糧食者人四鬴上也上謂大豐年也

人食三鬴中也謂中豐年人食二鬴下也謂少儉年此

雖列三等之年以中年是其常濫鬴當今六斗四升即

今給請亦然注釋曰知此皆謂一月食米者計中歲頒

祿人食三鬴不得為數月古今皆月月給請故知若食

此皆一月食米也六斗四升曰鬴昭公傳晏子辭

不能人二鬴則令邦移民就穀詔王殺邦用注就穀就

都鄙之有者殺猶減也音義

殺所界反下注同

疏

釋曰此即穀梁傳所云五

穀不熟謂之大侵謂大凶年之時用如此濫也注釋曰

知就都鄙之有者此據天子畿內六鄉六遂及公邑純

屬天子與三等采地不同若民有不能人二鬴之歲移

民就賤當先嚮都鄙三等采地之中都鄙亦凶乃出嚮

畿外也故知就都鄙之有者也

凡邦有會同師役之事則治其糧與其

食注行道曰糧謂糒也止居曰食謂米也音義

備 糒音

疏

釋曰此會同師役皆有軍人給糧食故須治之使均給之也注釋曰案書傳云行而無資謂之乏居而無食謂之困是止居曰食謂此廩人米也詩云乃裹糒糧是行道曰糧謂糒也者即尚書費誓云峙乃糗糧即糒也

大祭祀則共其接盛注接讀為一扱再祭之扱扱以授

春人春之大祭祀之穀藉田之收藏於神倉者也不以

給小用音義

接依注音扱扱初洽反劉初輒反又差及反李聶創涉反

疏

注釋曰此即廩人兼

掌御廩所藏藉田之收以共祭祀之用者也鄭必讀接為一扱再祭之扱者此廩米與春人春之當頒扱與春

人無取於接義故讀如特牲少牢云藏於神倉者也者據月令而言知不給小用者祭義云天子藉田千畝諸侯藉田百畝以事天地社稷先公敬之至也是不給小用也

舍人掌平宮中之政分其財守以灋掌其出入注政謂

用穀之政也分其財守者計其用穀之數分送宮正內

宰使守而頒之也而行出於廩人其有空缺則計之還

入疏

釋曰舍人總主給米之事而掌平王宮中之政謂平其給米多少不得特多特少也云分其財守者

財即米也故喪大記云納財朝一湔米亦謂米為財謂分米與宮正內宰守禁之所使頒與所使守之人云以灋掌其出入者出謂米出於廩人以出給入謂其有空缺則還入廩人皆當以灋不可虛也注釋曰必送米與

宮正內宰者此二官皆有宿衛之人須米料之數故也

凡祭祀共簠簋實之陳之

注方曰簠圓曰簋盛黍稷稻粱器音義

簠音甫或音蒲李又方于反

疏

釋曰祭祀言凡則天地宗廟大次小祭皆有黍稷於簠簋實之陳之故云凡以廣之也注釋曰云方曰簠

圓曰簋皆據外而言案孝經云陳其簠簋注云內圓外方受斗二升者直據簠而言若簋則內方外圓知皆受斗二升者旒人云為簠實一鬴豆實三而成鬴豆四升三豆則斗二升可知但外神用瓦簠宗廟當用木故易損卦云二簠可用享損卦以離巽為之離為日日圓巽為木木器圓簠象是用木明矣云盛黍稷稻粱器者案公食大夫簠盛稻粱簠盛黍稷故鄭總云黍稷稻粱器也

賓客亦如之共其禮車米

管米芻禾注禮致饗餼之禮音義

管姜呂反又音呂

疏

釋曰云亦如之

者亦有簋簠實之陳之事故亦如祭祀也言實之陳之則據饗餼及饗食之時也云其禮車米筥米芻禾者鄭云禮致饗餼之禮案聘禮曰致饗使卿韋弁歸饗餼米百筥設于中庭車米三十車陳於門外禾三十車芻薪倍禾又案掌客上公米百有二十筥車米四十車禾五十車芻薪倍禾侯伯米百筥車米三十車禾四十車芻薪倍禾子男米八十筥車米二十車禾三十車芻薪倍禾皆言陳是其饗餼車米筥米芻禾所陳多少之事

喪紀共飯米熬穀注飯所以實口不忍虛也君用梁大

夫用稷士用粱皆四升實者唯盈熬穀者錯于棺旁所

以惑蚍蜉也喪大記曰熬君四種八筐大夫三種六筐

士二種四筐加魚腊焉音義

飯扶晚反注同熬五羔反錯七故反蚍鼻夷反蜉音

字種章勇

疏

注釋曰云飯所以實口不忍虛也者案檀弓云飯用米貝不忍虛也不以食道用美

馬爾故云不忍虛也云君用梁大夫用稷士用梁者此

喪大記文彼據沐時所用今引證飯者但飯米沐米與

重鬲所盛用米皆同是以士喪禮云貝三實于筭稻米

一豆實於筐據飯舍所用下即云祝淅米管人受潘煮

于俎外御者沐又云鬻餘飯盛以二鬲是三者用米

同故引沐灋以證飯也但喪大記注士沐梁蓋天子之

士以其士喪禮諸侯之士沐稻喪大記注又云差率而

上天子沐黍與則天子飯用黍也云皆四升者用米不

同別貴賤但人口大小同故知皆四升也云實者唯盈

者士喪禮文故彼云主人左扱來實于右三實一貝左

中亦如之又實米唯盈是也云熬穀者錯于棺旁所以

惑蚍蜉也者解穀所以熬之將殯設之者將熬穀以惑

蚍蜉又有魚脂香蚍蜉欲向棺值此惑之故云所以惑

蚍蜉也引喪大記者見尊卑用筐穀多少不同之意云

熬君四種八筐大夫三種六筐士二種四筐加魚腊焉  
鄭彼注引士喪禮曰熬黍稷各二筐又曰設熬旁一筐  
大夫三種加以梁君四種加以稻四筐則首足皆一其  
餘設於左右若然天子當加麥苽六種十筐首足亦各  
一筐其餘亦設於左右也

以歲時縣種種之種以共王后之春獻種

注縣之者欲其風氣燥達也鄭司農云春王當耕于藉  
則后獻其種也后獻其種見內宰職音義

縣音懸注下同種直龍反

種音六司稼職疏釋曰內宰注云先種後熟謂之種後  
同見賢遍反種先熟謂之種彼內宰上春后獻種

示不敗壞且助王耕事此云歲時縣者從納禾始得子  
即縣之以至春獻之是以先鄭云春王當耕于藉則后

獻其掌米粟之出入辨其物注九穀六米別為書疏

釋曰

太宰九職有九穀月令有五穀今止言粟者粟即粢也爾雅釋草粱稷也稷為五穀之長故特舉以配米也其實九穀皆有注釋曰九穀之名已見大宰注今云六米者九穀之中黍稷稻粱荻大豆六者皆有米麻與小豆小麥三者無米故云九穀六米別為書釋經辨其物也

歲終則會計其政注政用

穀之多少

倉人掌粟入之藏注九穀盡藏焉以粟為主疏

注釋曰案月令

首種不入鄭注引舊記首種謂稷即種粟是五穀之長下文辨九穀此云粟是以粟為主也

辨九穀

之物以待邦用若穀不足則止餘灋用有餘則藏之以待凶而頒之注止猶殺也殺餘灋用謂道路之委積所



以豐優賓客之屬疏

注釋曰知殺餘瀆用是道路之委積者案上遺人注委積者廩人倉

人計九穀之數足國以其餘共之所謂餘瀆用也則彼委積是瀆用以此餘者為之是豐優賓客者今倉人穀不足故止彼餘瀆用故鄭據遺人而言焉鄭云之屬者彼遺人注云職內邦之移用亦如此也今穀不足亦止之故云

凡國之共道路之穀積食飲之具注大事

謂喪戒疏

注釋曰案左氏成公傳國之大事在祀與戎不言喪事今此喪我不言祀者此經云共道

路惟軍戎及喪在外行於道路故據而言焉祭祀遠無過在近郊之內無在道共糧之事故不言祭祀也

司祿

闕

司稼掌巡邦野之稼而辨種稑之種周知其名與其所

宜地以為灋而縣于邑閭注周猶徧也徧知種所宜之

地縣以示民後年種穀用為灋也音義

種章勇反注知種同徧音遍下

同疏

釋曰云巡邦野之稼者謂秋熟之時觀之矣若然春稼秋穡不云穡而云稼者穡由稼而有故本之

言稼也

巡野觀稼以年之上下出斂灋注斂灋者豐年從

正凶荒則損若今十傷二三實除減半音義

斂力驗反注同

疏

釋曰此觀稼亦謂秋熟時觀稼善惡則知年上下豐凶以此豐凶而出稅斂之灋注釋曰鄭云豐年從正者年雖豐與中平一皆從正灋十一而稅之也云凶荒則損者凶荒謂年穀不熟則減于十一而稅之云若今十傷二三實除減半者鄭舉漢灋以況義十傷二三謂漢時十分之內傷二分三分餘有七分八分在實除減半

者謂就七分八分中為實在仍減去半不  
稅於半內稅之以凶荒故優饒民可也

掌均萬民之

食而賙其急而平其興注均謂度其多少賙稟其難阨

興所徵賦音義

度徒反

疏

釋曰詩云鉶之罄矣維壘之恥詩刺王富不能分貧以是司稼

既知民之禾稼多少則使之均萬民之食減取多者以賙給其急困者云平其興者興謂徵賦當各計十一而稅不得特多特少是平其興也

春人掌共米物注米物言非一米疏

注釋曰按上文倉人廩人言物者據米

穀多者而言故鄭言米物言非一米是也

祭祀共其廩盛之米注廩盛謂黍

稷稻粱之屬可盛以為簠簋實音義

廩音資注同本亦作稌

疏

注釋

曰器實曰盛則黍稷稻粱是也在器曰盛則簋簠是也故鄭總言盛盛謂黍稷稻粱之屬屬中兼有麥苽可盛以

為簋簠

賓客共其牢禮之米注謂可以實筐筥疏

注釋曰下

別言饗食則此言牢禮謂饗餼之米鄭云實筐筥知非車米者以其公車米四十侯伯車米三十子男車米二十非春人所供故知惟謂筐筥者也若然車米出於民稅故禹貢云五百里納米是也

凡饗食共其

食米注饗有食米則饗禮兼燕與食音義

食音嗣注燕與食及饗人

職疏

注釋曰燕禮無食米食禮無飲酒若饗禮有飲酒有食米故云饗禮兼燕與食也若然經云其食米則

饗禮但供食米也

掌凡米事

饗人掌凡祭祀共盛注炊而共之音義

饗昌志反

疏

注釋曰鄭知炊而

共之者以其饌人主以炊米而盛之於器  
共王及后之六食今云共盛明炊而供之  
共王及后之

六食注六食六穀之飯疏

注釋曰案醫師云和王六食六食即飯也膳夫云饋六穀六

穀即六食故

鄭合而解之

凡賓客共其簠簋之實注謂致飧饗音義

殽音

疏

注釋曰鄭知是致饗殽者下云饗食亦如之故知此是殽饗也

饗食亦如之

槁人掌共外内朝宀食者之食注外朝司寇斷獄弊訟

之朝也今司徒府中有百官朝會之殿云天子與丞相

舊決大事焉是外朝之存者與内朝路門外之朝也宀

食者謂留治文書若今尚書之屬諸直上者音義

槁苦報反

朝直遙反注同穴如勇反食音嗣斷丁亂反弊必世  
反相息亮反與音餘尚音常又時掌反上時掌反

疏

注釋曰天子三朝路寢庭朝是圖宗人嘉事之朝大僕掌  
之又有路門外朝是常朝之處司士掌之又有外朝在  
臯門內庫門外三槐九棘之朝是斷獄辨訟之朝朝士  
掌之今言外內朝明據三槐與路門外二者以其路寢  
庭非常朝之處也鄭引今司徒府已下況義也云穴食  
者謂留治文書若今尚書之屬諸直上者者亦引漢灋  
況之謂以次當直留在朝宿不還須以食供之穴食者  
穴散也外內朝上直諸吏謂之穴吏亦曰散吏以上直  
不歸家食稟人供

若饗耆老孤子士庶子共其食注士

庶子卿大夫士之子弟宿衛王宮者疏

注釋曰耆老謂死

子謂死王事者之子國家春饗孤子秋食耆老及士庶  
子謂若宮正宮伯士謂適子庶子其支庶宿衛王宮者

國家饗食之則亦  
烹人供其食也

掌豢祭祀之犬注養犬豕曰豢不於

饌人言其共至尊雖其潘瀾羹餘不可褻也音義

豢音患潘

芳袁反本或作蕃音同瀾魯旦疏注釋曰養犬曰豢此經反羹音淺本亦作殘褻息列反是也知養豕亦曰豢者見禮記樂記云豢豕作酒非以為禍是養豕曰豢也云不於饌人言其共至尊雖其潘瀾羹餘不可褻也者以其饌人所炊米為祭祀及共王與后竝是至尊故雖米之潘瀾羹餘亦不得褻之與犬故於此言之也

周禮注疏卷十六



周禮注疏卷十六考證

旅師掌聚野之勑粟屋粟閒粟疏案鄉大夫野自六尺  
○鄉監本訛作卿今據鄉大夫職改正

稍人掌令丘乘之政令疏四邑為丘四丘為甸○監本  
脫為丘四丘四字今據小司徒職文補之

委人以式灋共祭祀之薪蒸木材疏上經稍聚待賓客  
據三百里故知此園在野故鄭以苑園言之○監本  
三訛二此園訛在故知上苑訛野俱從經及注訂正

之

稻人以涉揚其芟作田○揚監本訛作楊今從石經改正

川衡祭祀賓客共川奠疏此注皆據醢人及籩人而言

○醢監本訛作鹽今改正

迹人禁麇卵者注且害心多也○心監本訛必今据疏改正

疏曲禮云○曲禮二字監本訛作王制今据本文改

正

角人以度量受之注骨入漆浣者○

臣紱

按巾車注有

軟讀為漆浣之漆之語輪人注有九漆之之語皆謂以骨灰和漆以髹器也然則浣浣九蓋一字而聲之通轉不同耳

掌蜃祭祀共蜃器之蜃注天王使石尚來歸蜃○蜃春秋作蜃又疏公羊以為宜社之肉

臣人龍

按公羊無

此文杜預左傳注有之蓋賈氏誤記耳

舍人注而行出於廩人○

臣紱

按行字不可解据疏云

出謂米出於廩人疑米字之訛

司稼掌均萬民之食疏詩刺王富不能分貧○詩箋原  
文作王不使富分貧

周禮注疏卷十六考證

欽定四庫全書薈要卷一千八百七十

經部

周禮注疏卷十七

漢鄭氏注 唐陸德明音義 賈公彥疏

春官宗伯第三

惟王建國辨方正位體國經野設官分職以為民極乃  
立春官宗伯使帥其屬而掌邦禮以佐王和邦國注禮  
謂曲禮五吉凶賓軍嘉其別三十有六鄭司農云宗伯  
主禮之官故書堯典曰帝曰咨四岳有能典朕三禮僉

曰伯夷帝曰俞咨伯女作秩宗宗官又主鬼神故國語曰使名姓之後能知四時之生犧牲之物玉帛之類采

服之宜彝器之量次主之度屏攝之位壇場之所上下

之神祇氏姓之所出而率舊典者為之宗春秋禘于大

廟濟僖公而傳曰夏父弗忌為宗人又曰使宗人釁夏

獻其禮禮特牲曰宗人升自西階視壺濯及豆籩然則

唐虞歷三代以宗官典國之禮與其祭祀漢之大常是

也音義

俞七潛反皆也俞羊朱反然也李一音由女音汝氏如字劉音紙大音泰下放此齊本又作躋

子今反升也父疏釋曰云掌邦禮以佐王和邦國者樂音甫釁虛覲反主和同禮主簡別案樂記云樂勝則

流禮勝則離鄭云離謂析居不和恐其不和是以禮言

和論語云禮之用和為貴也注釋曰云禮謂曲禮五者

案禮序云禮者體也履也一字兩訓蓋有以也統之於

心名為體周禮是也踐而行之名曰履儀禮是也既名

儀禮亦名曲禮故禮器云經禮三百曲禮三千鄭玄云

經禮謂周禮也曲猶事也事禮謂今禮也其中事儀三

千若然則儀禮為曲禮今此鄭云禮謂曲禮五者對文

則儀禮是曲禮周禮是經禮散文此周禮亦名曲禮是

以藝文志云帝王世有損益至周曲為之防是指此周

禮為曲禮也云吉凶賓軍嘉其別三十有六者並據下

文而知鄭司農云宗伯主禮之官而引書堯典帝曰者

謂舜咨四岳曰有能典朕三禮三禮者謂天地人之禮

也云僉曰伯夷者四岳同辭而對共舉伯夷也云帝曰

俞者俞然也然其所舉云咨伯女作秩宗者帝舜命伯

夷使為秩宗秩次也言宗伯主次序鬼神之事案彼虞書云脩五禮下又云典朕三禮三五不同者鄭義上云脩五禮與下五玉連文五玉是諸侯所執五玉則五禮非吉凶賓軍嘉之五禮故鄭云五禮公侯伯子男之禮是以禮論云唐虞有三禮至周分為五禮若然云三禮不言五禮則三禮中含有五禮矣引國語者是楚昭王問於觀射父觀射父對此辭言名姓之後者孔服注以為聖人大德之後云能知四時之生犧牲之物者孔服皆以為生謂粢盛犧謂純毛色牲謂牛羊豕云玉帛之類者孔服皆以為禮神玉帛謂若宗伯云蒼璧黃琮牲幣各放其器之色是也云采服之宜者服氏云祭祀之所服色謂若司服衮冕以下是也云彝器之量者服云量數也祭祀之器皆當其數云次主之度者服云次廟主之尊卑先後遠近之度云屏攝之位者服氏云屏猶并也謂攝主不備并之其位不得在正主之位即引曾子問云若宗子有罪居于他國庶子為大夫其祭也祝



曰孝子某使介子某執其常事又云攝主不厭祭不旅不假不綏祭不配是其攝主并之事左氏昭十八年夏五月宋衛陳鄭災時鄭子產使子寬子上巡羣屏攝彼鄭司農云束茅以為屏蔽祭神之處草易然故巡行之此屏攝義與國語異云壇場之所者孔云去廟為祧去祧為壇去壇為墀孔又云場祭道神曾子問道而出是也云上下之神祇者孔氏云上謂凡在天之神天及日月星下謂凡在地之神地及山林川谷丘陵也云氏姓之所出而率舊典者為之宗者孔氏云既非先聖之後又非名姓之後但氏姓所出之後子孫而心常能循舊典者則為大宗大宗者於周為宗伯云春秋禘於太廟者是文二年秋八月公羊云大事者何大禘也大禘者何合祭也其合祭奈何毀廟之主陳於太祖未毀廟之主皆升合食於太祖列昭穆序父子云隣僖公者案左氏云逆祀也時夏父弗忌為宗人逆祀者弗忌云吾見新鬼大故鬼小隣升也謂升僖公主於閔公之上引之

者證宗是宗人主鬼神也云又曰使宗人釁夏獻其禮者此哀公二十四年公子荆之母嬖將以為夫人使宗人釁夏獻其立夫人之大禮也何故無之對曰無之公怒曰汝為宗司立夫人國之大禮也何故無之對曰周公及武公娶於薛孝惠娶於商自桓以下娶於齊此禮也則有若以妾為夫人則固無其禮也公卒立之引之者亦證宗人主禮也又引禮特牲者此特牲饋食禮是宿賓之明夕視濯主人與衆兄弟及賓入即堂下位宗人升自西階視壺濯及豆籩反降東北面告濯具注云東北面告緣賓意欲聞也引此者亦證宗人主禮也云唐虞歷三代以宗官典國之禮與其祭祀者所云虞書是虞灋并云唐者堯舜道同故引虞則唐亦與虞同也言歷三代者上舉唐虞下舉周灋則其中夏殷亦宗官掌禮可知故總以三代言之也云則漢時大常是也者以代異灋殊禮有沿革故至漢時祭祀之禮使大常主之故云漢之大常是也但此宗伯主禮并下文主鬼神自分明必引諸

文為證者當時張包周孟子何休等不信周禮是周公所制以為六國時陰謀之書故先鄭以諸文為證也

禮官之屬大宗伯卿一人小宗伯中大夫二人肆師下大夫四人上士八人中士十有六人旅下士三十有二人府六人史十有二人胥十有二人徒百有二十人注肆猶陳也肆師佐宗伯陳列祭祀之位及牲器粢盛疏釋曰此一經與下五十九官為長此官大宗伯小宗伯肆師並別職上士已下即三職同有此官亦謂別職同官者也大宗伯則總掌三十六禮之等小宗伯副貳大宗伯之事肆師主陳祭位之等此並亦轉相副貳大也注釋曰鄭知肆師佐宗伯陳列祭祀之位者案小宗伯云掌建國之神位肆師云立大祀用玉帛牲牷之等

故知佐宗伯陳列祭祀之位也知亦陳牲器粢盛者案其職云大祭祀展犧牲繫于牢頒于職人又云祭之日表齋盛告潔展器陳告備是其陳牲器粢盛之事也

鬱人下士二人府二人史一人徒八人注鬱鬱金香草

宜以和鬯音義

鬱於物反疏釋曰凡叙官不以官尊為先後直以緩急急者為先鬱人為首

者祭祀宗廟先灌灌用鬱故其職云掌裸器故宜先陳也注釋曰鬱鬱金香草者玉度記謂之鬯鬯即鬱金香草也云宜以和鬯者鬯人所掌者是秬米為酒不和鬱者若祭祀宗廟及灌賓客則鬯人以鬯酒入鬱人鬱人得之築鬱金草煮之以和鬯酒則謂之鬱鬯也

鬯人下士二人府一人史一人徒八人注鬯釀秬為酒

芬香條暢於上下也。秬如黑黍一稊二米音義

反秬其

許反李其虛

疏

釋曰。鬯人在此者。案其職云。掌共秬鬯。祭社。崇門。先用鬯。故宜先言。注釋曰。云。

條暢於上下也者。未有鬱條暢得名。此雖無鬱。若宗廟及賓客。以灌地。至於下。經用鬯。祭祀者。亦尸所飲。以灌地。灌地者。其汁下入於地。其氣上升於天。故云。條暢於上下也。云。秬如黑黍。一稊二米者。案爾雅云。秬黑黍。一稊二米。此爾雅上文云。秬黑黍。是一米之秬。直以秬為名下文云。秬一稊二米。亦是黑黍。但無黑黍之名。但二米之秬。貴此鬯酒。用二米者。故鄭云。秬如黑黍。此據爾雅下文。二米之秬。其狀如上文黑黍者。若然。爾雅云。秬一稊二米。不言黑黍者。爾雅主為釋詩。案生民詩云。維秬維秠。爾雅云。秬黑黍。即是維秬者。云。秬一稊二米。即是維秠者也。若然。爾雅及詩云。秬者。即黑黍之皮。以皮而見秬。是以鄭志。張逸問云。鬯人職注云。秬如黑黍。

一稭二米案爾雅一稭二米未知二者同異鄭答云  
秬即其皮稭亦皮爾雅重言以曉人更無異稱也鄭云  
重言者秬既是皮復云稭亦皮是重言也恐人不知秬  
是皮故重言稭稭是一秬還是秬故云更無異稱也  
雞人下士一人史一人徒四人疏釋曰雞人職云共雞牲大  
祭祀夜呼旦雞又屬木  
在春故列職於此也

司尊彝下士二人府四人史二人胥二人徒二十人注

彝亦尊也鬱鬯曰彝彝灋也言為尊之灋也疏

釋曰在  
此者案

職云掌六彝六尊之位尊彝是祭祀之事故列職於此  
也注釋曰彝亦尊者以其同是酒器但盛鬱鬯與酒不  
同故異其名耳云鬱鬯曰彝彝灋也者祭宗廟在室先  
裸後乃向外陳齊酒之尊以彝為灋故名此鬱鬯曰彝

也是以鄭云言  
為尊之灋也

司几筵下士二人府二人史一人徒八人注筵亦席也

鋪陳曰筵藉之曰席然其言之筵席通矣音義

鋪普吳反又音

孚藉在夜反

疏

釋曰在此者凡祭祀先設席故其職云掌五几五席辨其用與其位故列職於此也注釋

曰云鋪陳曰筵藉之曰席者設席之灋先設者皆言筵後加者為席故其職云設莞筵紛純加縹席畫純假令一席在地或亦云筵儀禮少牢云司宮筵於奧是也  
先設者為鋪陳曰筵後加者為藉之曰席也云然其言之筵席通矣者所云筵席惟據鋪之先後為名其筵席止是一物故云然其言之筵席通矣

天府上士一人中士二人府四人史二人胥二人徒二

十人注府物所藏言天者尊此所藏若天物然疏

釋曰天府

在此者其職云掌祖廟之守藏大祭祀則出而陳於廟庭故亦列職於此也注釋曰云府物所藏者鄭總解府義府聚也凡物所聚皆曰府官人所聚曰官府在人身中飲食所聚謂之六府詩云叔在數火烈具舉注數澤禽之府也大府玉府外內府泉府皆是藏財貨鄭云藏財貨曰府亦是物所藏也云言天者尊此所藏若天物然者案其職云凡國之玉鎮大寶器藏焉是尊此所藏若天物然故名此府為天府也

典瑞中士二人府二人史二人胥一人徒十人注瑞節

信也典瑞若今符璽郎疏

釋曰在此者案其職云掌玉瑞玉器之藏下又云王搢大

圭執鎮圭以朝日則是玉瑞祭時所執玉器所以禮神雖有餘事以事神為主在此宜也注釋曰云瑞節信也



者其天子所執者若受天之應瑞然其諸侯所執者若受得王瑞亦如天之應瑞故云節信也云典瑞若今符璽郎者鄭意周時典瑞似漢時符璽郎故舉漢灋而況之

典命中士二人府二人史二人胥一人徒十人注命謂

王遷秩羣臣之書疏

釋曰在此者案其職云掌諸侯之五儀諸臣之五等之命凡官之所

屬義有多種以宗伯主禮及祭祀之事故凡是祭祀及禮事皆屬焉此典命遷秩羣臣亦是禮事又爵命屬陽故禮記云古者於禘也發爵賜服順陽義也賞以春夏不於夏官者貴始故於春見之在此宜也注釋曰凡言命者皆謂簡策之命秩次也命出於王故云命謂王遷秩羣臣之書書即簡策是也

司服中士二人府二人史一人胥一人徒十人疏

釋曰在此

者案其職云掌王之吉凶衣服公羊傳云命者何加我服也再命已上得命即得服故司服列職於典命之下也

典祀中士二人下士四人府二人史二人胥四人徒四

十人疏

釋曰在此者案其職云掌外祀之兆守皆有域掌其禁令若以時祭祀則帥其屬而脩除以其

職祭事故列職於此也

守桃奄八人女桃每廟二人奚四人注遠廟曰桃周為

文王武王廟遷主藏焉奄如今之宦者女桃女奴有才

知者天子七廟三昭三穆奚女奴也音義

桃他堯反奄於檢反劉於

驗反為于偽反知音智疏釋曰遠廟為桃案其職云掌昭上招反說文作侶先王先公之廟桃若將祭祀

則各以其服授尸故列職在此有奄八人者以其與女桃及奚婦人同處故須奄人通姜嫄為八廟廟一人故

八人也注釋曰遠廟曰桃者案祭灋云遠廟為桃有二桃享嘗乃止鄭云桃之言超也超上去意也云周為文

王武王廟遷主藏焉者案王制及祭灋云王立七廟有二桃之文鄭知周之二桃是文武者鄭義二桃則祖宗

是也故祭灋云祖文王而宗武王鄭云祖宗通言爾是祖其有德宗其有功其廟不毀故云桃也知遷主藏焉

者以其顯考已下其廟毀不可以藏遷主文武既不毀明當昭者藏於武王廟當穆者藏於文王廟可知故云

遷主藏焉若文武已上父祖不可入下子孫之廟宜藏於后稷之祖廟文武既為二桃后稷為大祖廟不可復

稱桃故不變本名稱大祖也諸侯既不可與天子同有二桃其遷主則總藏於大祖廟則謂大祖廟為桃故聘

禮云不腆先君之祧既拊以俟矣是也云奄如今之宦者漢以奄人為內官則名奄人為宦故舉以況之也云女祧女奴有才智者亦若天官云女酒女漿女祝下文云女史之類皆女奴有才智者為之無才智者即入奚類也云天子七廟已下並王制文七廟者據周而言若殷人已上依禮緯唐人五廟夏亦五廟殷六廟與周不同也

世婦每宮卿二人下大夫四人中士八人女府二人女

史二人奚十有六人注世婦后宮官也王后六宮漢始

大長秋詹事中少府大僕亦用士人女府女史女奴有

才智者音義

少詩照反

疏

釋曰名世婦者以其主婦婦人之事王后已下至女御言世婦舉中以

為名也在此者案其職云掌女宮之宿戒及祭祀比其具是祭事故列職於此也云每宮卿二人者王后有六宮每宮卿二人則十二人也此主婦人則卿大夫士並奄人為之若然天官云內小臣奄上士四人鄭云奄稱士異其賢似卿大夫不用奄人者案彼天官之內職內有婦人者皆用奄人獨此宮卿大夫士與下女府女史奚同居不用奄非其宜但此經不言奄故鄭亦不言奄其實是奄可知是以賈馬皆云奄卿也然鄭云漢始大長秋亦見周時用奄之義也但天官惟有小臣是上士用奄人鄭即云奄稱士異其賢也若然小臣上士言奄此不言奄者但上天官共婦人同職皆已言奄於此略而不言耳案王之六卿皆六命十二小卿皆四命此六宮十二卿不言命數亦可當小宰小司徒等十二小卿同用四命中大夫為之以其同十二人故也

內宗凡內女之有爵者諸女王同姓之女謂之內宗

有爵其嫁於大夫及士者凡無常數之言疏

釋曰在此者案其職

云掌宗廟之祭祀薦加豆籩並是助祭之人故列職於此也注釋曰言內女明是王之族內之女故云王同姓之女為內宗也云有爵其嫁於大夫及士者但婦人無爵從夫之爵今言內女有爵明嫁與卿大夫及士周之

灋爵亦及士故兼言士也不言數而言凡故鄭云凡無常數之言以其王之族內之女無定數故也

外宗凡外女之有爵者注外女王諸姑姊妹之女謂之

外宗疏

釋曰在此者案其職云掌宗廟之祭祀佐王后薦玉豆胾豆籩亦是助祭祀之人故亦列職於

此也注釋曰鄭知外宗是王諸姑姊妹之女者以其稱外明非已族故稱外宗外女也鄭不解有爵者已於內宗注訖則此亦是嫁與大夫及士可知也言凡亦是無常數之言也

冢人下大夫二人中士四人府二人史四人胥十有二

人徒百有二十人注冢封土為丘壠象冢而為之疏

釋曰

在此者案其職云掌公墓之地辨其兆域以昭穆為左右雖非祭祀亦是禮事故亦列職於此也注釋曰冢封土為丘壠者案其職云以爵等為丘封之度注云王公曰丘諸臣曰封此但云丘不言封亦有封可知案禮記云適墓不登壠是聚土亦為壠故兼云壠也又禮記云古者墓而不墳又有墳稱秦漢已下天子之丘亦謂之陵也云象冢而為之者案爾雅山頂曰冢故云象冢而為之者若然云丘陵亦是象丘陵為之也

墓大夫下大夫二人中士八人府二人史四人胥二十

人徒二百人注墓冢塋之地孝子所思慕之處音義

音塋

營疏

釋曰案其職云掌凡邦墓之地域令國民族葬是掌天下萬民之墓地也不云冢云墓者禮記云庶

人不封不樹故不言冢而云墓墓即葬地故鄭云墓冢塋之地孝子所思慕之處也在此者死葬之以禮亦是

禮事故列

職於此也

職喪上士二人中士四人下士八人府二人史四人胥

四人徒四十人注職主也疏

釋曰以其主公卿大夫之喪亦是禮事故列職於此

也

大司樂中大夫二人樂師下大夫四人上士八人下士  
十有六人府四人史八人胥八人徒八十人注大司樂



樂官之長音義

長丁丈反後皆倣此

疏

釋曰大司樂掌教國子六樂六舞等在此者以其宗

伯主禮禮樂相將是故列職於此但樂師教國子小舞與大司樂職別而同府史亦謂別職同官者也注釋曰以其與樂師已下至鞮鞻氏已上為長者

大胥中士四人小胥下士八人府二人史四人徒四十

人注胥有才知之稱禮記文王世子曰小樂正學千大

胥佐之音義

稱尺證反

疏

釋曰在此者案其職云掌學士之版以待致諸子與大司樂教樂同

類是亦禮事故列職在此但小胥掌樂縣之灋亦與大胥別職而同官者也

大師下大夫二人小師上士四人瞽矇上瞽四十人中

瞽百人下瞽百有六十人眡瞭三百人府四人史八人胥十有二人徒百有二十人注凡樂之歌必使瞽矇為

馬命其賢知者以為大師小師晉杜蒯云曠也大師也

眡讀為虎眡之眡瞭目明者鄭司農云無目眡謂之瞽

有目眡而無見謂之矇有目無眸子謂之瞽音義

矇音蒙眡

音視鄭常至反瞭音了又力小反字林同云明也杜如

字劉音屠蒯苦怪反眡直忍反本又作眡或作眡劉又

音瞭瞽本又作膠素口反說文云無目疏釋曰案其職

也字林云目有眡無珠子也先父反疏云掌六律六

同之等亦是樂事故在此此下直云瞽矇三百人無府

史胥徒者以其無目不須人使是以有眡瞭三百人而

已注釋曰云凡樂之歌必使瞽矇為焉者此鄭欲解作樂使瞽矇之意以其無目無所覩見則心不移於音聲故不使有目者為之也云命其賢知者以為大師小師者就瞽之中命大賢知為大師其次賢知小者為小師也其餘為瞽矇也云晉杜蒯云曠也大師也者此乃師曠之徒亦無目者故引為證也云眡讀為虎眡之眡者易頤卦六四云虎眡眡眡其欲逐逐无咎是也云眡瞭目明者以其相工故使有目者為之也先鄭云無目眡謂之瞽已下案詩有矇矇案尚書有瞽矇於此云有瞽矇據此三文皆文不具司農參取二處而為三等解之諸文皆瞽在上而矇矇在下先鄭即以瞽為無目眡當第一無目眡謂無目之眡脉謂之瞽有目眡而無見謂之矇謂矇矇然有脉脉而無見也云有目無眸子謂之矇者謂目精黑白分明而無眸子人者謂之矇案其職大師小師及瞽矇眡瞭四者皆別職又無府史而并言之者以其大師小師為長故連類言之

典同中士二人府一人史一人胥二人徒二十人注同

陰律也不以陽律名官者因其先言耳書曰協時月正

日同律度量衡大師職曰執同律以聽軍聲疏

釋曰在此者案

其職云掌六律六同以為樂器亦是樂事故列職於此  
注釋曰同陰律也者對律為陽律也云不以陽律名官  
者謂其官不名典律而云典同也云因其先言耳者謂  
諸文皆先云同後云律若陰陽亦先云陰之類故以同  
名官也引書曰者堯典之篇彼據舜之巡守於方岳之  
下命史官協時月也協合也謂合四時節氣之早晚及  
月之大小定分云正日同律度量衡者謂正定日之甲  
乙陰同陽律之長短及正度之丈尺量之斗斛衡之斤  
兩六者皆定正之使依灋又引大師職曰執同律以聽  
軍聲者所引之文皆證同在律上之義若然無取於時

月日及度量衡連文引之耳案孔注尚書律為  
濫制當齊同之則同不為陰律與鄭義別也

磬師中士四人下士八人府四人史二人胥四人徒四

十人疏

釋曰在此者案其職云掌教擊磬擊編  
鍾并教縵樂亦是樂事故列職於此也

鍾師中士四人下士八人府二人史二人胥六人徒六

十人疏

釋曰在此者案其職云掌金奏而  
奏九夏以其樂事故列職於此也

笙師中士二人下士四人府二人史二人胥一人徒十

人疏

釋曰在此者案其職云掌教吹竽笙  
塤箛已下亦是樂事故列職在此

鐃師中士二人下士四人府二人史二人胥二人徒二

十人注鑄如鍾而大音義

鑄音博

疏

釋曰在此者案其職云掌金奏之鼓亦是

樂事故亦列職在此注釋曰如鍾而大者以其形如鍾而大獨在一虞

韎師下士二人府一人史一人舞者十有六人徒四十

人注鄭司農說以明堂位曰韎東夷之樂讀如味飲食

之味杜子春讀韎為味莖著之味立謂讀如韎韍之韎

音義

韎戚莫拜反劉李音妹味飲食之味如字又莫介反莖莫戒反又音味莖直基反劉直梨反李音姪

著直居反李張慮反韍古洽反又音閤

疏

釋曰在此者案其職云掌教韎樂亦是樂事故列職於此也案

韎韍氏掌四夷之樂今此特掌韎樂是周以木德王又見樂為陽春是陽長養之方故特建此一官也注釋曰

引明堂位者證韎是東夷之樂云讀如味飲食之味杜  
子春讀韎為味莖著之莖者讀從爾雅也此後鄭皆不  
從之後鄭云讀為韎韐之韎者欲取韎為赤色是以禮  
記檀弓云周人大事歛用日出鄭云日出時亦赤則東  
夷之樂名韎者取  
色赤東方之意

旄人下士四人舞者衆寡無數府二人史二人胥二人

徒二十人注旄旄牛尾舞者所持以指麾疏釋曰在此者案其職

云掌教舞散樂舞夷樂亦是樂事故列職於此也經云  
舞者衆寡無數其職云凡四方之以舞仕者屬焉以其  
能為四夷之舞者即為之故無數也注釋曰云旄旄牛  
尾者案山海經有獸如牛四節有毛是也其牛尾可為  
旄旗之旄也云舞者所持以指麾者案樂師掌小舞有  
旄舞是舞者所持以指麾則此旄人舞夷樂而云旄人

是亦舞者所持以指麾者若然下鞮鞢氏云主四夷之樂兩官共掌者但鞮鞢氏掌而不教此旄人教而不掌故二官共其事也

籥師中士四人府二人史二人胥二人徒二十人注籥

舞者所吹春秋宣八年壬午猶繹萬入去籥傳曰去其

有聲者廢其無聲者詩云左手執籥右手秉翟音義籥餘

若反繹音亦祭之明日又祭

疏

釋曰在此者案其職云掌教國子舞羽吹籥則

也字書作釋去起呂反下同

此籥師所掌以教國子文樂左手執籥右手秉翟故名

官為籥師也注釋曰案公羊宣八年傳文辛巳有事于

大廟仲遂卒于垂壬午猶繹萬入去籥傳曰去其有聲

者廢其無聲者張逸問籥師注春秋傳曰去其有聲者



廢其無聲者何謂鄭答廢置也於去者為廢故曰廢若然辛巳日有事於大廟仲遂卒卿佐卒輕於正祭而重於繹祭則不停正祭合停繹祭至於明日壬午仍為繹祭故孔子為經加猶以尤之但宣公乃有慙心於作樂之時去其有聲者用其無聲者也詩云左手執籥右手秉翟引之者證籥師教國子舞羽吹籥之事也

籥章中士二人下士四人府一人史一人胥二人徒二

十人注籥章吹籥以為詩章疏

釋曰在此者案其職云掌土鼓豳籥亦是樂事

故列職於此注釋曰案其職有豳詩豳雅豳頌是吹籥以為詩章故官名籥章也

鞀鞀氏下士四人府一人史一人胥二人徒二十人注

鞀讀如屨也鞀屨四夷舞者所屣也今時倡蹋鼓沓行

者自有扉音義

鞮丁兮反許慎云屨也鞮九具反又力具反呂忱云鞮革屨也鞮者鞞鞮扉房

味反跣徒臘反李吐臘

疏

釋曰在此者案其職云掌四夷之樂與其聲歌亦是樂事

反沓它答反又如字

故列職於此也注釋曰此鄭讀從屨人之屨也案鄭注曲禮云鞮鞻無約之扉也此鞮鞻亦是無約之扉彼為大夫欲去國行喪禮之屨此為四夷舞者所扉其屨無約一也云今時倡跣鼓沓行者自有扉者謂漢時倡優作樂跣地之人并擊鼓沓沓作聲者行自有扉屨引之者證四夷舞者亦自有扉與中國者不同也

典庸器下士四人府四人史二人胥八人徒八十人注

庸功也鄭司農云庸器有功者鑄器銘其功春秋傳曰

以所得於齊之兵作林鍾而銘魯功焉疏

釋曰在此者案其職云掌

藏樂器庸器亦是樂事故列職於此注釋曰先鄭所引春秋者左氏襄十九年季武子與晉師伐齊以所得齊之兵作林鍾而銘魯功焉臧武仲謂季孫曰非禮也夫銘天子令德諸侯言時計功大夫稱伐今稱伐則下等也計功則借人也言時則妨民多矣何以爲銘引之者見其庸器之義

司千下士二人府二人史二人徒二十人注千舞者所

持謂楯也春秋傳曰萬者何干舞也音義  
楯食允反疏

釋曰在此者案其職云掌舞器祭祀授舞器亦是樂事故列職於此也注釋曰云干舞者所持者謂若樂師所云干舞則小舞也其夏官司兵云掌五兵祭祀授舞者兵則五兵俱掌但無干耳然彼注云謂朱干玉戚者鄭連言朱干耳

大卜下大夫二人卜師上士四人卜人中士八人下士

十有六人府二人史二人胥四人徒四十人注問龜曰

卜大卜卜筮官之長疏

釋曰此大卜有卜師及卜人皆士官而卜人無別職者以其助

大卜卜師行事故也其卜師則與大卜別職亦是別職同官在此者案其職曰掌三兆三易之等但著龜卦兆有生數成數之鬼神是鬼神之事故列職於此也注釋曰卜赴也赴來者之心故曰卜對筮問也謂有疑來問於著二者互見其義卜言赴來問之心亦先問乃赴筮言問者後亦赴來者之心也云卜筮官之長者謂與下龜人巫氏占人筮人等為之長也

龜人中士二人府二人史二人工四人胥四人徒四十

人注工取龜攻龜疏

釋曰在此者與卜人連類在此注釋曰案其職云取龜用秋時甲戌

之時也攻龜用春時風氣燥達之時故也

蕪氏下士二人史一人徒八人注燹燹用荆蕪之類音

義

蕪時髓反燹哉灼反燹音俊又子寸反

疏

釋曰在此者鑽龜用燹燹故與大卜連類在此注釋曰案

其職云掌共燹契即士喪禮云楚燹是也楚即荆故云用荆云蕪之類者蕪所以捶笞人馬用荆竹為之此亦

用荆故云

蕪之類也

占人下士八人府一人史二人徒八人注占著龜之卦

兆吉凶音義

著音尸

疏

釋曰在此者案其職云掌占龜筮亦卜筮之類故列職於此也

筮人中士二人府一人史二人徒四人注問著曰筮其

占易音義

著音尸

疏

釋曰在此者案其職云掌九筮筮有生成數之鬼神故亦列職在此注釋

曰云問著曰筮者鄭意以筮為問故易蒙卦云初筮告再三瀆瀆則不告是筮為問也云其占易即易之九六爻辭是也

占夢中士二人史二人徒四人疏

釋曰在此者案其職云以日月星辰占六

夢之吉凶夢是精神所感并日月星辰等是鬼神之事故列職於此

眡祲中士二人史二人徒四人注祲陰陽氣相侵漸成

祥者魯史梓慎云吾見赤黑之祲音義

祲子鳩反李且衽反

疏

釋曰

在此者案其職云掌十輝之灋以觀妖祥  
辨吉凶亦是陰陽鬼神之事故列職於此

大祝下大夫二人上士四人小祝中士八人下士十有  
六人府二人史四人胥四人徒四十人注大祝祝官之

長疏

釋曰大祝與小祝別職而同官故共府史胥徒在  
此者案其職云掌六祝之辭以事鬼神亦亦是事

鬼神之灋故列職於此也注釋曰以其  
與下小祝喪祝甸祝詛祝等為長也

喪祝上士二人中士四人下士八人府二人史二人胥

四人徒四十人疏

釋曰在此者案其職云掌大喪勸防  
之事及辟令啓亦是禮事及事鬼神

之灋故列  
職於此也

甸祝下士二人府一人史一人徒四人注甸之言田也

田狩之祝音義

甸音電後

疏

釋曰在此者案其職云掌四時之田表貉之祝從事

鬼神之事故列職於此

詛祝下士二人府一人史一人徒四人注詛謂祝之使

沮敗也音義

詛側慮反祝之又反沮在呂反沈音叙

疏

釋曰在此者案其職云掌盟詛類造

攻說禴縈之祝號亦事鬼神故列職於此注釋曰云詛謂祝之使沮敗也者凡言盟者盟將來詛者詛往過故云祝之使沮敗也

司巫中士二人府一人史一人胥一人徒十人注司巫



巫官之長疏

釋曰在此者案其職云若國大旱則帥巫而舞雩亦是事鬼神之事故列職於此注

釋曰案其職云掌羣巫之政令與下男

巫女巫神士等為師故云巫官之長

男巫無數女巫無數其師中士四人府二人史四人胥

四人徒四十人注巫能制神之處位次主者疏

釋曰巫與神通

亦是鬼神之事故列職於此案神士職云凡以神士者掌三辰之灋以奠鬼神示之居注引孝經緯及國語並是制神之處位及次第主之事神士還是男巫為之故引彼以解之

大史下大夫二人上士四人小史中士八人下士十有六人府四人史八人胥四人徒四十人注大史史官之

長疏

釋曰在此者案其職云讀禮書祭之日執書以次位常是禮事及鬼神之事也故列職於此也小史

與大史別職而同官故共府史也注釋曰謂與下內史外史御史等為長若然內史中大夫大夫大史下大夫大史得與內史為長者以大史知天道雖下大夫得與內史中大夫為長是以稱大也

馮相氏中士二人下士四人府二人史四人徒八人注

馮乘也相視也世登高臺以視天文之次序天文屬大

史月令曰乃命大史守典奉灋司天日月星辰之行宿

離不賁音義

馮音憑相息亮反注同宿劉息就反音夙離力計反賁吐得反或音二

疏

釋曰

在此者以其與大史同主天文故其職云掌歲月日星辰之位故與大史連類在此注釋曰云世登高臺以觀

天文之次序者以其官有世功則以官名氏故云也其天子有靈臺諸侯有觀臺皆所以視天文故云登高臺也云之次序者馮相氏掌天文不變保章氏掌天文之變變則不依次序不變則如常有次序故以次序言之也云天文屬大史者案周語單子謂魯成公曰吾非瞽史焉知天道是大史知天道之事引月令曰乃命大史者證太史掌天文之事云宿離不負者鄭彼注云離耦也謂其屬馮相氏保章氏掌天文者也謂其相與宿耦當審候伺不有差忒

保章氏中士二人下士四人府二人史四人徒八人注

保守也世守天文之變疏

釋曰在此者案其職云掌天星以志星辰日月之變動以

觀天下之遷故與馮相氏連類在此也注釋曰以其稱氏也故稱世守天文之變也

內史中大夫一人下大夫二人上士四人中士八人下

士十有六人府四人史八人胥四人徒四十人疏

釋曰在此

者案其職云掌八枋執國灋及國令之貳策命羣臣皆禮事故列職於此也

外史上士四人中士八人下士十有六人胥二人徒二

十人疏

釋曰在此者案其職云掌書外令及三皇五帝之書亦禮書之類故列職於此

御史中士八人下士十有六人其史百有二十人府四

人胥四人徒四十人注御猶侍也進也其史百有二十

人以掌贊書人多也疏

釋曰在此者案其職云掌贊書凡數從政者亦皆禮事故列職

於此也注釋曰其職云凡治者受灋令馬并掌贊書故其史特多復在府上也

巾車下大夫二人上士四人中士八人下士十有六人  
府四人史八人工百人胥五人徒五十人注巾猶衣也

巾車車官之長音義

巾如字劉居覲反衣於既反

疏

釋曰在此者案其職云掌公車

之政令辨其用與其旗物皆是禮事故列職於此也注釋曰巾猶衣也者謂玉金象革等以衣飾其車故訓巾猶衣也云巾車車官之長者謂與下典路車僕等為長也

典路中士二人下士四人府二人史二人胥二人徒二

十人注路王之所乘車疏

釋曰在此者案其職云掌王及后之五路亦是禮事故列

職於此也注釋曰路大也若人君所居皆稱路故有路寢路門路馬之等皆稱路也

車僕中士二人下士四人府二人史二人胥二人徒二

十人疏

釋曰在此者案其職云五戎之倖各有差等亦是禮事故亦列職於此也

司常中士二人下士四人府二人史二人胥四人徒四

十人注司常主王旌旗疏

釋曰在此者案其職云掌九旗之物名亦各有差等亦是

禮事故亦列職於此也注釋曰九旗之別自王以下尊卑所建不同不專主於王鄭云司常主王旌旗者以王為主何妨尊卑皆掌

都宗人上士二人中士四人府二人史四人胥四人徒

四十人注都謂王子弟所封及公卿所食邑疏

釋曰在此者案

其職云掌都祭祀之禮凡都祭祀致福於國皆是事鬼神及禮事故列職於此注釋曰案載師云家邑任稍地小都任縣地大都任疆地則大夫采地不得稱都故據大都小都而言之下文家據大夫而說也此既掌祭祀不云伯而云宗人者避大官名夏官都家稱司馬得與大官同名者以其軍事是重故與大官同名也秋官都家以士稱者以其主都家萬民之獄訟以告方士故謂之士士者察也取其察審之義也

家宗人如都宗人之數注家謂大夫所食采邑疏

釋曰在此

者案其職云掌家祭祀之禮凡祭祀致福亦是共鬼神之事故亦列職於此

凡以神士者無數以其藝為之貴賤之等注以神士者

男巫之俊有學問才知者藝謂禮樂射御書數高者為

上士次之為中士又次之為下士疏

釋曰此神士還是上羣巫中有學問

者抽入神士以其能處置神位故以神為名無數者有即入之故無數在都家之下者欲見都家神亦處置之在此者案其職云掌三辰之灋當處置神之位次故列職於此

周禮注疏卷十七



周禮注疏卷十七考證

惟王建国注禮特牲曰○禮監本訛作郊

臣斯道

按所

引是儀禮特牲饋食禮文今改正

大師府四人史八人胥十有二人徒百有二十人○

臣

紱

按此四句十七字皆衍文也疏明云無府史胥徒

者以其無目不須人使也石經此處刊缺疑初刻時  
誤衍之既覺其繆乃削去耳又見石搨一本完整者  
或係未削以前或後人補綴者耳

齋師注春秋宣八年壬午猶繹○壬午上當從公羊傳

補六月二字


凡以神士者無數○士下經本職作仕

周禮注疏卷十七考證

謹案卷十七第一頁後五行注齊僖公刊本齊訛  
齊據音義改

第九頁後六行注謂之外宗刊本宗訛人據經文  
改





覆校官編修臣劉種之  
校對官檢討臣季學錦  
膳錄監生臣劉昀